



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1691.

**urn:nbn:de:hbz:466:1-29436**

Jacobus; Cæsus enim fugatusque unâ cum Gallis subsidiariis, amisso Dublino, Drogheda, Kingstalo, aliisque urbibus præcipuis rursus in Gallias vela facere coactus fuit.

Domita tandem à Veneris post toleratam obsidionem mensium 17. Malvasia, qua expugnata nunc tota Peloponesus est Domini Veneti.

Dux Morosinus Venetiis solenni pompa recepit pileum & ensam à Romano Pontifice religioso ritu consecratos, è summo armorum Præfecto, factus Reipublicæ Princeps.

ANNVS 1691.

EXeunte Januario Alexander VIII. Romæ solenni ritu præsentibus Cardinalibus, promulgavit bullam, jam formatam & subscriptam proximè elapso mense Augusto, quâ assertas à Clero Gallicano in comitiis 1682. quatuor propositiones de auctoritate seu Pontificia, seu Ecclesiæ universæ, actaque ab eo circa *Regalia* extensionem, & à quocunque contra locorum ac personarum Ecclesiasticarum immunitates ac privilegia rescidit, ac nullius valoris, aut roboris fuisse, aut fore unquam declaravit. Defunctus hoc actu solenni, quem nonnulli in

digita-

digitârunt *Pœnitentiam gloriosam* de indul-  
tis scilicet antea Coronæ Franciæ, vitâ pari-  
ter functus obiit die postero Februarii primo  
magno suorum mœrore elatus.

Alexandro post longam s. mensium con-  
sultationem tandem Cardinalium votis suf-  
fectus fuit mense Julio. Antonius Pignatel-  
lus Neapolitanus, qui Innocentii XII. no-  
mine insigniri voluit Zeli cognominis an-  
tecessoris in asserenda disciplina Ecclesiasti-  
ca æmulator acerrimus.

Mense Julio congregitur cum Turcis  
propè Salanckemenum ad Danubium acie  
admodum cruenta Princeps Ludovicus Ba-  
densis, & post aliquot horarum pugnam  
acerrimam perruptis demum castris Barba-  
ros in medio conclusos strage ab hoc Bello  
Turcico inaudita prosternit. Cecidere ex  
Turcis summus Vezirius- & præcipui quiq;  
Duces cum integro robore exercitûs, cam-  
pus per aliquot milliaria Germanica stratus  
oppletusque cadaveribus; in castris reperta  
154 tormenta majora ænea, præcipuum Ve-  
ziri vexillum, & prope innumera armorum,  
commeatumum & jumentorum multitudo.

Ineunte Aprili cedit in Gallorum pote-  
statem Nicea arx in finibus Liguriæ Imperii

Saba-

Sabaudici munitissima quæ, integras olim Turcarum vires sub Solymano fregerat. Ab obsidione tamen Cunei turpiter fugantur, impedimentorum etiam parte derelicta, ne cum Eugenio Sabaudia Principe ad ferendas suppetias celerante pugnam conferere cogerentur. Eisdem extorta ab Electore Bavariæ; copiarum Cæsarianarum Duce supremo, Fossanum, Savilianum & Saluciæ; & paulò post etiam Carmaniola cum ingenti commeatum copia, quam ibidem Galli coacervârant.

Res & ditio omnis Regis Jacobi in Hybernia redacta hoc anno est ad angustias unius Limericæ, quæ demum & ipsa longa obsidione fatigata se dedidit Guinkelio *Duci Wilhelmano* 6 Octobris.

Mense Decembri renunciatus est à Rege Hispaniæ Carolo Belgii catholici Gubernator perpetuus Maximilianus Emmanuel Elector Bavariæ, cum ea omni in rebus gerendis authoritate, quâ absolutus Regionis Dominus uti possit. In pensionem mensruam eidem assignata 70000 Imperialium.

*ANNUS 1692.*

**T**Andem etiam Varadinum majus, inter præcipua Hungariæ munimenta, posita per-